



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla, Rješenja br. 01-11-2795-2/2020 od 21.09.2020. godine, a na prijedlog Komisije za javne nabavke, direktor Ustanove donio je sljedeću

## ODLUKU

### o izboru najpovoljnijeg ponuđača po žalbi

#### I

Kao najpovoljniji ponuđač u postupku nabavke proizvoda koji se koriste u građevinarstvu za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Inter-com“ d.o.o. Zenica.

#### II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponuđača iz člana I ove odluke.

#### III

Zadužuje se Služba za pravne, kadrovske i opće poslove da pripremi sve preduslove za zaključenje okvirnog sporazuma sa izabranim ponuđačem po proteku predviđenih zakonskih rokova i procedura.

#### IV

Vrijednost ove nabavke iznosi 5.800,00 KM bez PDV-a, red. br. robe 13, šifra JRJN 44420000-0 iz Plana nabavki za 2020. godinu, broj 04-143-1/2020.

#### V

Odluka stupa na snagu danom donošenja.

## OBRAZLOŽENJE

Na osnovu Zahtjeva za pokretanje postupka javne nabavke br. 01-11-2459-1/2020, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-2459-3/2020 od 17.08.2020. godine. Postupak je objavljen na Portalu javnih nabavki BiH broj obavještenja 1194-7-1-31-3-18/20 od 28.08.2020. godine, a poziv za preuzimanje tenderske dokumentacije sa Portala javnih nabavki je upućen privrednim subjektima: „Inter-com“ d.o.o. Zenica, „EM-ONIKS“ d.o.o. i „Dženex“ d.o.o. Tuzla, dok je predmetnu tendersku dokumentaciju u sistemu „E-nabavke“ preuzelo 13 (trinaest) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-202-1/2020 od 17.01.2020. god., konstatovala je da je ponudu predalo 3 (tri) ponuđača: „Inter-com“ d.o.o. Zenica – broj protokola 01-11-2682/20, „EM-ONIKS“ d.o.o. – broj protokola 01-11-2699-/20 i „Cospex“ d.o.o. Zenica – 01-11-2707/20. Komisija je izvršila otvaranje, pregled i ocjenu primljenih ponuda i utvrdila da ponude ponuđača „Inter-com“ d.o.o. Zenica i „EM-ONIKS“ d.o.o. ne ispunjavaju uslove zadate tenderskom dokumentacijom i iste su ocijenjene neprihvatljivim, dok je ponuda ponuđača „Cospex“ d.o.o. Zenica ocijenjena prihvatljivom. S obzirom na navedeno, ugovorni organ je donio Odluku o izboru najpovoljnijeg



**JAVNA USTANOVA ZA PREDŠKOLSKI ODGOJ I OBRAZOVANJE**  
**„NAŠE DIJETE“ TUZLA**  
**KREČANSKA BROJ 3, 75000 TUZLA**  
**ID BROJ: 4209046740000    CENTRALA/FAX: +38735369920**  
**n-dijete@bih.net.ba    www.nasedijete.ba**

ponuđača broj 01-11-2459-11/20 od 16.09.2020. godine kojom se okvirni sporazum za predmetnu nabavku dodjeljuje ponuđaču „Cospex“ d.o.o. Zenica.

Na navedenu Odluku, ponuđač „Inter-com“ d.o.o. Zenica je uložio žalbu broj 0010-09/20-S od 21.09.2020. godine. Postupajući po predmetnoj žalbi, Komisija za javne nabavke je u skladu sa članom 100. stav (1) Zakona o javnim nabavkama BiH pristupila provjeri blagovremenosti, dopuštenosti žalbe, kao i činjenice da je izjavljena od strane ovlaštenog lica. Nakon što je konstatovano da se radi o blagovremenoj, dopuštenoj i žalbi podnesenoj od strane ovlaštene osobe, Komisija je pristupila razmatranju iste. Postupajući po žalbi, razmotreni su navodi iz iste, izvršen je uvid u kompletnu dokumentaciju te je izvršena analiza dokaza, a u odnosu na navode i propisani zakonski postupak, te je utvrđeno da je žalba osnovana. Naime, ponuđač „Inter-com“ d.o.o. Zenica je dostavio dokaze kojim dokazuje da se stavke br. 10, 11. i 26. obrasca za cijenu ponude, koje su bile razlog za prvobitno odbacivanje ponude navedenog ponuđača, na našem tržištu ne mogu pronaći u pakovanju od 1l, dok je i sam Ugovorni organ utvrđujući tačnost navedenih dokaza, došao do istih saznanja. S obzirom na navedeno i činjenicu da se za pomenute stavke, ponuda ponuđača „Inter-com“ d.o.o. Zenica odnosi na količinu od 1 litra traženih proizvoda, i ista je uporediva sa ostalim ponudama.

Imajući u vidu navedeno, Komisija je zaključila da je ponuda ponuđača „Inter-com“ d.o.o. Zenica prihvatljiva i postupak je vraćen na ponovnu evaluaciju ponuda. U postupku ponovne evaluacije ponuda Komisija je zaključila sljedeće:

- blagovremeno je ponudu predalo 3 ponuđača: „Inter-com“ d.o.o. Zenica, „EM-ONIKS“ d.o.o. i „Cospex“ d.o.o. Zenica.

- nije bilo neblagovremenih ponuda;

- ponuda ponuđača „EM-ONIKS“ d.o.o. je ocijenjena neprihvatljivom iz sljedećih razloga:

a) ponuđač je u aneksu 2.- obrazac za dostavljanje ponude propustio u tabeli da potpiše na mjestu predviđenom za to;

b) ponuđač nije dostavio aneks 3.- obrazac za cijenu ponude na odgovarajući način, odnosno, prve dvije stranice navedenog obrasca je dostavio na stranama 6. i 7. ponude, a treću stranicu obrasca na strani 2. svoje ponude, čime je narušio tačno određeni redoslijed stranica obrasca za cijenu ponude;

c) ponuđač „EM-ONIKS“ d.o.o. je u aneksu 7.- izjavi o definisanom načinu plaćanja propustio da upiše ID broj privrednog subjekta na mjestu za to predviđenom;

Zbog svega navedenog, ponuda ponuđača „EM-ONIKS“ d.o.o. je ocijenjena neprihvatljivom i kao takva odbačena u skladu s članom 68. stav (4) točka i) Zakona o javnim nabavkama BiH.

- ponude ponuđača „Cospex“ d.o.o. Zenica i „Inter-com“ d.o.o. Zenica ispunjavaju sve uslove tražene tenderskom dokumentacijom i iste su ocijenjene prihvatljivim;

- u tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije (Sl. list BiH broj 66/16 od 06.09.2016. godine), a planirana e-aukcija za ponuđače koji su ispunili tražene uslove zakazana je za dan 07.10.2020. godine. E-aukcija je započela u 11:00 i trajala do 11:25 sati. Aktivno učešće u e-aukciji su uzela oba privredna subjekta. Nakon završene e-aukcije najpovoljnija ponuda je ostvarena u iznosu 5.800,00 KM bez PDV-a. U tom smislu prilažemo tabelarni prikaz ponuda:



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000 CENTRALA/FAX: +38735369920  
n-dijete@bih.net.ba www.nasedijete.ba  
UKUPNA OCJENA PONUDA

REDNI BROJ	NAZIV PONUĐAČA	UKUPAN IZNOS PONUDE BEZ PDV-a	IZNOS PONUDE BEZ PDV-a S POPUSTOM	KONAČNA RANG LISTA PONUDA
1.	„Inter-com“ d.o.o.	8.538,31 KM	5.800,00 KM	1
2.	„Cospex“ d.o.o.	6.953,30 KM	6.000,00 KM	2

U skladu sa naprijed navedenim, primjenjujući kriterij najniže cijene zadovoljavajuće ponude, u skladu sa članom. 64 stav (1) tačka b) Zakona o javnim nabavkama BiH, Komisija za javne nabavke je dostavila direktoru prijedlog za izbor najpovoljnijeg ponuđača „Inter-com“ d.o.o. Zenica.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

**Pouka o pravnom lijeku:**

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska br. 3. Ponuđač je dužan dostaviti žalbu u dovoljnom broju primjerka.

**DOSTAVLJENO:**

1. Ponuđačima x 3
2. Spis
3. A/a



**DIREKTOR**

*[Signature]*  
/ Karić Sanja, dipl. iur. /

Broj: 01-11-2459- 14 /2020  
Tuzla, 08.10.2020. godine

*[Signature]*